

MALAYSIA
DEWAN RAKYAT
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI ISNIN, 8 JUN 2015, PUKUL 10.00 PAGI

Bil. 29

PERTANYAAN-PERTANYAAN BAGI JAWAB LISAN

1. PR-1332-L67761
Dato' Haji Zainudin bin Ismail [Jelebu] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan :-
 - (a) apakah menerusi pemantauan KPDNKK terhadap harga barangan dan perkhidmatan ekoran pelaksanaan GST telah mendapati berlakunya kegiatan manipulasi harga, menipu pengguna berkaitan GST atau apa-apa penemuan yang boleh disifatkan sebagai cubaan mengambil kesempatan dan sengaja mensabotaj pelaksanaan GST; dan
 - (b) apakah tindakan dan berapakah kes kesalahan yang berkaitan GST telah diambil tindakan dalam menangani isu ini.
2. PR-1332-L68780
Tuan Gooi Hsiao-Leung [Alor Setar] minta **MENTERI KOMUNIKASI DAN MULTIMEDIA** menyatakan apakah pindaan yang akan dibentangkan atas Akta Komunikasi dan Multimedia 1998 dan Akta Suruhanjaya Komunikasi dan Multimedia 1998 seperti yang diumumkan oleh Menteri bulan Mac lalu.
3. PR-1332-L68749
Puan Rubiah binti Haji Wang [Kota Samarahan] minta **PERDANA MENTERI** menyatakan pencapaian pelaksanaan ESSCOM.
4. PR-1332-L67909
Tuan Loke Siew Fook [Seremban] minta **MENTERI KEWANGAN** menyatakan butir-butir terperinci peruntukan MARRIS yang disalurkan kepada Negeri Sembilan untuk tujuan penyelenggaraan jalan sejak tahun 2010 sehingga kini.

5. PR-1332-L67538
Dato' Seri Ong Ka Chuan [Tanjong Malim] minta **MENTERI PENGANGKUTAN** menyatakan apakah langkah yang dilakukan oleh Kementerian untuk mengadakan ujian mental dan fizikal terhadap juruterbang di negara ini untuk memastikan semua juruterbang berada pada tahap fizikal yang baik serta tidak mengalami gangguan emosi semasa bertugas.
6. PR-1332-L69344
Ust. Datuk Dr. Mohd. Khairuddin bin Aman Razali [Kuala Nerus] minta **PERDANA MENTERI** menyatakan :-
 - (a) takrif kemiskinan dan miskin tegar serta Paras Garis Kemiskinan (PGK) Kebangsaan yang terkini ; dan
 - (b) statistik miskin dan miskin tegar di seluruh negara bagi tahun 2011 hingga 2015 mengikut pecahan negeri dan daerah.
7. PR-1332-L68911
Tuan Haji Ahmad Lai bin Bujang [Sibuti] minta **MENTERI KEWANGAN** menyatakan :-
 - (a) berapakah jumlah penerima BRIM 2015 yang masih tidak mempunyai akaun simpanan untuk menerima bayaran BRIM melalui perbankan; dan
 - (b) berapakan jumlah BRIM yang tidak dituntut sejak BRIM diperkenalkan pada tahun 2012 hingga 2014.
8. PR-1332-L68244
Tuan Sim Tze Tzin [Bayan Baru] minta **PERDANA MENTERI** menyatakan syor-syor yang sedang dan telah dilaksanakan oleh SPR mengikut Laporan Jawatankuasa Pilihan Khas (PSC) Penambahbaikan Pilihan Raya. Nyatakan kejayaan-kejayaan atau kegagalan tersebut.
9. PR-1332-L67930
Datuk Wee Jeck Seng [Tanjong Piai] minta **MENTERI SUMBER ASLI DAN ALAM SEKITAR** menyatakan apakah garis panduan yang ditetapkan oleh Kementerian terhadap penukaran tanah hutan kepada penanaman pokok kayu dan perladangan kelapa sawit serta getah mengikut strategi perhutanan mampan.
10. PR-1332-L67495
Puan Siti Zailah binti Mohd Yusoff [Rantau Panjang] minta **MENTERI PEMBANGUNAN WANITA, KELUARGA DAN MASYARAKAT** menyatakan program kebajikan untuk keluarga warga emas di pusat-pusat pengajian pondok di seluruh negara.

11. PR-1332-L69479
Dato' Abdul Manan bin Ismail [Paya Besar] minta **MENTERI KESIHATAN** menyatakan adakah Kementerian akan meneliti cadangan untuk mengadakan peperiksaan kemasukan atau kesesuaian untuk menjalankan amalan sebagai doktor serta tempoh induksi yang lebih lama untuk doktor pelatih memahami kerja mereka dengan lebih baik sebagai langkah menangani masalah "Housemanship" tidak tamat latihan.
12. PR-1332-L69390
Dato' Haji Mahfuz bin Omar [Pokok Sena] minta **MENTERI KEWANGAN** menyatakan sebab-sebab Bahagian Pinjaman Perumahan masih menggunakan kaedah Bai Bithaman Ajil dalam skim pembiayaan perumahan kakitangan awam sedangkan pihak Bank Negara Malaysia telah menetapkan polisi supaya bank-bank komersial menghentikan penggunaan produk ini dalam skim pembiayaan perumahan semenjak Januari 2015.
13. PR-1332-L68328
Datuk Jumat bin Idris [Sepanggar] minta **MENTERI DALAM NEGERI** menyatakan apakah tindakan susulan Kerajaan terhadap laporan RCI berkenaan pendatang tanpa izin yang mendapat respon negatif dikalangan rakyat Sabah.
14. PR-1332-L68595
Puan Nurul Izzah binti Anwar [Lembah Pantai] minta **MENTERI KEWANGAN** menyatakan jumlah kutipan GST yang dikutip oleh Kerajaan pada bulan April 2015. Nyatakan juga jumlah kutipan SST yang diterima dalam tempoh bulan Januari 2015 hingga Mac 2015.
15. PR-1332-L67573
Datuk Linda Tsen Thau Lin [Batu Sapi] minta **MENTERI KEWANGAN** menyatakan kedudukan perlaksanaan Cukai Barang dan Perkhidmatan serta masalah-masalah dan penyelesaian ke atas masalah-masalah tersebut.
16. PR-1332-L67879
Dr. Michael Jeyakumar Devaraj [Sungai Siput] minta **MENTERI SUMBER ASLI DAN ALAM SEKITAR** menyatakan jumlah peruntukan untuk mendalamkan Sg. Pelus (anak sungai pada Sg. Perak) bagi tahun 2015, kerana Sg. Pelus mengalami masalah pemendapan pasir.
17. PR-1332-L68976
Tuan Anuar bin Abd. Manap [Sekijang] minta **MENTERI KEWANGAN** menyatakan apakah perancangan Kementerian dalam memastikan ketirisan pemberian Bantuan Rakyat 1Malaysia (BRIM) kepada rakyat yang tidak layak menikmatinya tidak lagi berlaku.
18. PR-1332-L69329
Tuan Zairil Khir Johari [Bukit Bendera] minta **MENTERI KESIHATAN** menyatakan sama ada Kementerian bercadang untuk menggubal undang-undang bagi mengawal dan menyelaraskan pusat-pusat penjagaan wanita selepas bersalin (confinement centre).

19. PR-1332-L69072
Datuk Bung Moktar bin Radin [Kinabatangan] minta **PERDANA MENTERI** menyatakan sejauh manakah kejayaan Kerajaan mengawal perairan negara dari dicerobohi sejak penubuhan ESSCOM. Berapa ramaikah pendatang asing di Sabah yang telah dihantar pulang ke negara asal dan berapa ramaikah pendatang asing yang masih berada di Sabah.
20. PR-1332-L68767
Dr. Tan Seng Giaw [Kepong] minta **MENTERI PENDIDIKAN** menyatakan tahap pencapaian IT, Internet dan jalur lebar di sekolah rendah, menengah dan universiti berbanding dengan negara yang maju.
21. PR-1332-L68490
Ir. Shaharuddin bin Ismail [Kargar] minta **MENTERI TENAGA, TEKNOLOGI HIJAU DAN AIR** menyatakan sejauh manakah Dasar Teknologi Hijau Negara telah memberikan impak positif serta menyumbang ke arah visi negara maju menjelang tahun 2020 kelak.
22. PR-1332-L68515
Tuan Ahmad Marzuk bin Shaary [Bachok] minta **MENTERI KEWANGAN** menyatakan hasil maklum balas rakyat terhadap pelaksanaan GST. Apakah ada apa-apa pertukaran polisi atau cadangan pihak Kerajaan bagi menamatkan sistem cukai GST ini.
23. PR-1332-L67941
Tuan Haji Ahmad Nazlan bin Idris [Jerantut] minta **MENTERI KEWANGAN** menyatakan bilangan peniaga yang dilaporkan melanggar Goods And Services Tax (GST) Act dan berapakah yang telah didakwa sehingga kini.
24. PR-1332-L68496
Tuan Gobind Singh Deo [Puchong] minta **MENTERI DALAM NEGERI** menyatakan jumlah laporan polis atau aduan lain yang telah pun dibuat terhadap pegawai MACC, dan bilangan aduan/laporan tersebut yang melibatkan kekerasan, ugutan atau paksaan terhadap pengadu dan tindakan yang telah pun diambil. Sekiranya tiada tindakan, kenapa.
25. PR-1332-L67924
Datuk Haji Datu Nasrun bin Datu Mansur [Silam] minta **MENTERI KEMAJUAN LUAR BANDAR DAN WILAYAH** menyatakan berapakah projek Lampu Jalan Kampung (LJK) yang telah dilaksanakan di Parlimen Silam bermula dari tahun 2010- 2014.
26. PR-1332-L68408
Tuan Lim Guan Eng [Bagan] minta **MENTERI PENGANGKUTAN** menyatakan prestasi Pelabuhan Pulau Pinang selepas penjualan ekuiti kepada Syarikat Seaport Terminal (Johore) Sdn. Bhd. Nyatakan pembaikan, penurunan dan rumusan audit yang dijalankan dan tindakan pembetulan. Mengapakah tambang feri perlu dinaikkan bila prestasi perkhidmatan tidak meningkat dan feri baru tidak dibeli.

27. PR-1332-L68682
Datuk Mas Ermieyati binti Samsudin [Masjid Tanah] minta **MENTERI PEMBANGUNAN WANITA, KELUARGA DAN MASYARAKAT** menyatakan sejauh manakah pihak Kementerian memantau dan menyelia serta mengawal bantuan dan sumbangan yang diterima daripada pihak-pihak yang menyumbang kepada rumah-rumah kebajikan supaya tiada pihak yang boleh mengambil kesempatan di samping dapat meningkatkan kepercayaan masyarakat terhadap organisasi ini.
28. PR-1332-L68021
Dato' Mohd Ariff Sabri bin Abdul Aziz [Raub] minta **MENTERI TENAGA, TEKNOLOGI HIJAU DAN AIR** menyatakan :-
- (a) berapakah jumlah sebenarnya Janakuasa Bebas IPP dalam negara ini semenjak Janakuasa Bebas IPP pertama TNB dengan YTL; dan
 - (b) sila nyatakan harga belian tenaga yang diberi kepada YTL-berapa sen /kwh.
29. PR-1332-L68169
Dato' Ir. Haji Nawawi bin Ahmad [Langkawi] minta **MENTERI KESIHATAN** menyatakan :-
- (a) berapakah bilangan pesakit jantung yang mendapat rawatan di Hospital KKM dan IJN dan berapa banyak Hospital KKM yang mempunyai pakar jantung dan pakar bedah jantung; dan
 - (b) berapa ramai pakar jantung dan pakar bedah jantung yang ada di Malaysia. Adakah nisbah ini menepati piawaian antarabangsa, 1 pakar jantung/ bagi setiap 1000 pesakit.
30. PR-1332-L68061
Dr. Ko Chung Sen [Kampar] minta **MENTERI KEWANGAN** menyatakan :-
- (a) jumlah wang yang dibelanjakan untuk menukar dari Cukai Jualan dan Perkhidmatan (SST) kepada Cukai Barang dan Perkhidmatan (GST) oleh Kerajaan; dan
 - (b) jumlah wang yang dibelanjakan oleh sektor swasta untuk beralih ke sistem GST.
31. PR-1332-L67753
Tuan Wilson Ugak Kumbong [Hulu Rajang] minta **MENTERI PENGANGKUTAN** menyatakan apakah status terkini misi pencarian MH370, setelah lebih setahun pencarian dilakukan berapakah kos keseluruhan yang terlibat setakat hari ini bagi membiayai keseluruhan misi pencarian terbesar dunia ini.

32. PR-1332-L69275
Tuan Haji Khalid bin Abdul Samad [Shah Alam] minta **MENTERI KEWANGAN** menyatakan :-
- (a) jumlah kutipan cukai barang dan perkhidmatan (GST) semenjak 1 April 2015 sehingga tarikh semasa; dan
 - (b) adakah cukai Perkhidmatan 10% akan dimansuhkan.
33. PR-1332-L67643
Datuk Haji Shabudin bin Yahaya [Tasek Gelugor] minta **MENTERI PERTANIAN DAN INDUSTRI ASAS TANI** menyatakan adakah Kementerian bercadang untuk mengenengahkan atau mempromosikan tanaman hidroponik di Malaysia dan sekiranya ada, apakah status berkenaan cara penanaman ini.
34. PR-1332-L68125
Dr. Ong Kian Ming [Serdang] minta **MENTERI PENDIDIKAN** menyatakan apa yang sedang dilakukan untuk memberi pendidikan kepada anak-anak pekerja asing di Malaysia dan sama ada kanak-kanak ini dibenarkan untuk belajar di sekolah-sekolah Kerajaan.
35. PR-1332-L67997
Dato' Wira Mohd Johari bin Baharom [Kubang Pasu] minta **MENTERI PERTANIAN DAN INDUSTRI ASAS TANI** menyatakan bilakah pihak Kementerian akan melaksanakan projek promosi Agro Pelancongan Tani di Tasik Pedu, Kedah dan peruntukan bagi meningkatkan taraf infrastruktur homestay dan rumah-rumah tumpangan atau chalet yang dilakukan oleh nelayan-nelayan sungai di sepanjang tasik berkenaan.
36. PR-1332-L68397
Tuan Wong Ling Bui [Sarikei] minta **MENTERI PENGANGKUTAN** menyatakan apakah sebab caj begitu tinggi sebanyak RM60 dikenakan bagi penumpang pesawat AirAsia yang meminta perkhidmatan wheel chair semasa menaiki kapal terbang. Apakah sebab MAS mengenakan caj sebanyak RM300 bagi penumpang yang membawa risk item seperti pistol. Adakah Kerajaan mempunyai satu sistem untuk mengawal caj yang begitu tinggi.
37. PR-1332-L69003
Tuan Haji Hasbi bin Haji Habibollah [Limbang] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan berapakah bilangan peniaga-peniaga yang telah dikenal pasti dan didakwa di bawah Akta Cukai Barang dan Perkhidmatan (GST) 2014 kerana telah melanggar kaedah GST sejak ia dilaksanakan.
38. PR-1332-L69307
Tuan Nik Mohamad Abduh bin Nik Abdul Aziz [Pasir Mas] minta **MENTERI SUMBER MANUSIA** menyatakan jumlah pengangguran di kalangan graduan institusi pengajian tinggi sejak 2010 sehingga kini.

39. PR-1332-L68579
Dato' Seri Reezal Merican bin Naina Merican [Kepala Batas] minta **MENTERI KEWANGAN** menyatakan kemampuan PRASARANA mengurus aset pengangkutan awam untuk 10 tahun yang akan datang. Apakah syarikat tersebut berada di dalam kedudukan kewangan yang positif dan apa kaedah menambah pendapatan untuk dekad mendatang.
40. PR-1332-L69252
Dato' Kamarudin bin Jaffar [Tumpat] minta **MENTERI LUAR NEGERI** menyatakan adakah Kerajaan bercadang untuk menggunakan kedudukan kita sebagai Pengerusi ASEAN bagi mempengaruhi anggota ASEAN mengambil tindakan-tindakan yang lebih berkesan seperti memulau dagangan bagi menghadapi sikap degil berterusan oleh Israel.
41. PR-1332-L68435
Puan Kasthuriraani a/p Patto [Batu Kawan] minta **MENTERI PEMBANGUNAN WANITA, KELUARGA DAN MASYARAKAT** menyatakan jika wujud inisiatif yang diambil untuk menjamin keselamatan ke atas semua kanak-kanak di sekolah dan pusat penjagaan di setiap daerah daripada mempunyai akses ke tempat-tempat ini. Jika ya, nyatakan dan jika tidak mengapa.
42. PR-1332-L67650
Laksamana Pertama Mohamad Imran bin Abd Hamid (B) [Lumut] minta **MENTERI DALAM NEGERI** menyatakan bagaimana Kementerian harus memanfaatkan tenaga Pendatang Asing Tanpa Izin yang ditangkap dengan mengenakan denda kepada tauke-tauke yang bertanggungjawab seterusnya mengeluarkan permit terhad untuk membolehkan tenaga mereka terus digunakan untuk kemajuan negara.
43. PR-1332-L68297
Dato' Ar. Wan Mohammad Khair-il Anuar bin Wan Ahmad [Kuala Kangsar] minta **MENTERI KEWANGAN** menyatakan adakah Kerajaan mempunyai mekanisme yang lebih sistematik dalam mengumumkan perubahan harga minyak, gas dan lain-lain. Pengumuman yang mengejut telah kerap mewujudkan keadaan panik di kalangan pengguna. Notis awal bagi memaklumkan perubahan harga mungkin dapat membantu meredakan keadaan panik tersebut.
44. PR-1332-L69144
Tuan Chua Tian Chang @ Tian Chua [Batu] minta **MENTERI KERJA RAYA** menyatakan apakah sebab dan keperluan untuk melanjutkan tempoh kontrak PLUS di Federal Highway Route (FHR) . Bilakah kontrak asal sepatutnya berakhir.
45. PR-1332-L68195
Tan Sri Datuk Seri Annuar bin Musa [Ketereh] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan apakah rancangan Kerajaan dalam memajukan sebuah Kerajaan Tempatan seperti Majlis Daerah Ketereh yang juga merupakan satu kawasan Parlimen sedangkan keadaan prasarana awam seperti Klinik, Balai Polis dan pasar berada dalam keadaan daif.

46. PR-1332-L68955
Dato' Mansor bin Othman [Nibong Tebal] minta **MENTERI KEWANGAN** menyatakan adakah kadar cukai pendapatan akan di turunkan bagi mengurangkan bebanan hidup rakyat dengan terlaksananya cukai GST.
47. PR-1332-L69240
Dato' Seri Abdul Hadi bin Awang [Marang] minta **MENTERI PERDAGANGAN ANTARABANGSA DAN INDUSTRI** menyatakan apakah perkembangan terkini proses rundingan TPP dan sejauh mana Malaysia memperoleh faedah daripada perjanjian tersebut.
48. PR-1332-L68008
Tuan V. Sivakumar [Batu Gajah] minta **MENTERI PENDIDIKAN** menyatakan pandangan mengenai manipulasi faktor-faktor sejarah dalam buku-buku teks sejarah di peringkat sekolah menengah. Apakah motif untuk perubahan-perubahan sedemikian dan adakah ini dilakukan atas nasihat pakar-pakar sejarah di negara kita.
49. PR-1332-L68062
Dr. Ko Chung Sen [Kampar] minta **MENTERI KEWANGAN** menyatakan :-
- (a) jumlah dan peratusan GST yang dipungut yang akan dikembalikan semula kepada perniagaan; dan
 - (b) apakah jangka masa yang akan diambil untuk membuat pembayaran balik kepada pihak peniaga.
50. PR-1332-L67704
Dr. Che Rosli bin Che Mat [Hulu Langat] minta **MENTERI SAINS, TEKNOLOGI DAN INOVASI** menyatakan perancangan yang telah dan akan dibuat dalam usaha menyebarkan Sains dan Teknologi kepada masyarakat sama ada melalui media cetak, media elektronik dan media baru.
51. PR-1332-L68730
Tuan Ignatius Dorell Leiking [Penampang] minta **PERDANA MENTERI** menyatakan jika jaminan Perlembagaan Persekutuan ke atas penggunaan Bahasa Inggeris secara penuh di dalam Parlimen oleh ahli-ahli Parlimen dari Sabah dan Sarawak menurut Artikel 161(2) Perlembagaan Persekutuan masih kekal dan tidak ada halangan ke atas penggunaan Bahasa Inggeris di dalam Parlimen oleh ahli-ahli Parlimen dari Sabah dan Sarawak ketika mengambil bahagian dalam perdebatan dan perbahasan.
52. PR-1332-L68031
Tuan Anyi Ngau [Baram] minta **MENTERI PENDIDIKAN** menyatakan sejauh manakah kejayaan program Sekolah Model Khas Komprehensif (K9) di dalam meningkatkan kadar literasi serta mengurangkan masalah keciciran di kalangan pelajar dari suku kaum Penan di Baram.

53. PR-1332-L68947
Tan Sri Dato Sri William Mawan Ikom [Saratok] minta **MENTERI KEWANGAN** menyatakan langkah-langkah jangka panjang dan jangka pendek yang akan atau telah diambil oleh pihak Kerajaan dalam menjamin nilai mata wang ringgit kekal berdaya saing dalam urusan pasaran tukaran Asing (Foreign Exchange).
54. PR-1332-L68454
Tuan Lim Kit Siang [Gelang Patah] minta **MENTERI SUMBER ASLI DAN ALAM SEKITAR** menyatakan impak projek Sungai Pulai Wellness Resort ke atas tapak tanah lembap (RAMSAR) sekitar Sungai Pulai. Adakah Penilaian kesan kepada alam sekeliling terperinci (DEIA) bagi projek tersebut telah dibentangkan, bila dan kepada siapa, dan apakah mitigasi ke atas potensi kerosakannya ke atas Sungai Pulai.
55. PR-1332-L69159
Tuan Liew Chin Tong [Kluang] minta **MENTERI PERTAHANAN** menyatakan :-
- (a) senarai nama tanah pangkalan-pangkalan tentera atau tanah pemilikan Kementah yang telah dicadang ditukar kepada kegunaan komersial dan kos penjualan; dan
 - (b) senarai syarikat yang membeli tanah.
56. PR-1332-L67601
Dato' Takiyuddin bin Hassan [Kota Bharu] minta **MENTERI DALAM NEGERI** menyatakan apakah langkah Kerajaan membendung gejala lumba haram yang kelihatan semakin berleluasa kini.
57. PR-1332-L69248
Dr. Mohd Hatta bin Md. Ramli [Kuala Krai] minta **MENTERI PERDAGANGAN ANTARABANGSA DAN INDUSTRI** menyatakan sama ada implementasi GST memberi kesan kepada Dasar Automotif Negara dan sama ada dasar ini kekal atau bakal berubah. Jika berubah, apakah aspek-aspek perubahan yang bakal dilakukan.
58. PR-1332-L68254
Tuan Sim Chee Keong [Bukit Mertajam] minta **MENTERI KESIHATAN** menyatakan statistik penyakit kencing manis, penyakit jantung dan penyakit darah tinggi mengikut pecahan kaum, gender, negeri bagi setiap tahun dari 2004-2014.
59. PR-1332-L68975
Tuan R. Sivarasa [Subang] minta **MENTERI PELANCONGAN DAN KEBUDAYAAN** menyatakan semua langkah-langkah yang telah dan akan diambil oleh Kementerian untuk memastikan bangunan Vivekananda Ashram dan kawasan 100 kuarters di Jalan Rozario di Brickfields, Kuala Lumpur akan diwartakan dan diberi perlindungan penuh sebagai warisan Tier I di bawah Akta Warisan Negara 2005.

60. PR-1332-L68861
Dato' Shamsul Anuar bin Haji Nasarah [Lenggong] minta **PERDANA MENTERI** menyatakan pencapaian (kejayaan) yang dicapai Kerajaan melalui Program Tranformasi Nasional yang telah dan sedang dilaksanakan. Apakah langkah dan perancangan seterusnya.
61. PR-1332-L69417
Dato' Noraini binti Ahmad [Parit Sulong] minta **MENTERI PENDIDIKAN** menyatakan kepentingan penubuhan dan status pelaksanaan ASEAN University Network dan ASEAN Cyber University kepada negara dan apakah usaha Kementerian bagi mempromosikannya terutama dalam usaha pembentukan Komuniti ASEAN pada 31 Disember 2015.
62. PR-1332-L68182
Tuan Nga Kor Ming [Taiping] minta **MENTERI PEMBANGUNAN WANITA, KELUARGA DAN MASYARAKAT** menyatakan berapakah jumlah peruntukan yang disediakan untuk program 1 AZAM dan berapakah penerima yang menikmati manfaat daripada program tersebut.
63. PR-1332-L68154
Tuan Che Mohamad Zulkifly bin Jusoh [Setiu] minta **PERDANA MENTERI** menyatakan status kajian daya maju dan kebolehsanaannya yang lebih terperinci (kajian dijangka siap pada akhir Januari 2014) ke atas cadangan projek laluan rel Pantai Timur bagi menghubungkan Kuantan, Kuala Terengganu dan Kota Bharu untuk meningkatkan pertumbuhan ekonomi di wilayah berkenaan. Jika kajian telah siap minta dinyatakan anggaran kos dan jadual pelaksanaannya.
64. PR-1332-L68389
Tuan Wong Sze Phin @ Jimmy [Kota Kinabalu] minta **MENTERI KEWANGAN** menyatakan jumlah caruman KWSP terkumpul sehingga tahun terkini dan berapakah jumlah caruman KWSP yang tidak dituntut bagi pekerja yang meninggal dunia sebelum berusia 55 tahun sehingga tahun berakhir 2013. Adakah Kerajaan akan mengkaji semula pengeluaran caruman KWSP untuk tujuan lain.
65. PR-1332-L69371
Datuk Juslie bin Ajirol [Libaran] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan :-
- (a) usaha meramaikan usahawan meliputi capaian modal daripada institusi kewangan, modal teroka serta mendapat capaian pasaran domestik dan global termasuk kaedah pemasaran online dan media sosial; dan
 - (b) apakah dasar Kementerian telah berjaya memastikan usahawan dan koperasi Bumiputera mempunyai capaian kepada premis perniagaan serta perusahaan berkualiti dan strategik dalam sektor keusahawanan dan perniagaan.

66. PR-1332-L69349
Tuan Mohamed Hanipa bin Maidin [Sepang] minta **MENTERI KEWANGAN** menyatakan :-
- (a) apakah halangan-halangan yang menghalang wang 1MDB sebanyak RM4 bilion dibawa balik ke Malaysia dan disimpan di BSI iaitu sebuah "private bank" di Singapura sedangkan berdasarkan laporan kewangan BSI yang terbaru yang disiarkan di laman sesawangnya, BSI dilaporkan mengalami kerugian sebanyak US\$722 juta; dan
 - (b) apakah peranan Ashmore Investment Management Ltd, sebuah institusi kewangan di United Kingdom dalam urusan perniagaan antara 1MDB dan Petro-Saudi khususnya peranan eksekutif seniornya iaitu Patrick Mahony.
67. PR-1332-L68699
Tuan Charles Anthony Santiago [Klang] minta **MENTERI KESIHATAN** menyatakan bilangan keciciran di kalangan housemen di hospital Kerajaan.
68. PR-1332-L69099
Tuan Oscar Ling Chai Yew [Sibu] minta **MENTERI KOMUNIKASI DAN MULTIMEDIA** menyatakan apakah langkah akan diambil untuk menambahbaik perkhidmatan kelajuan broadband di Sibu dan Kapit. Bilakah penduduk Sibu dan Kapit boleh menikmati kelajuan broadband 4G. Adakah ia adil apabila membayar dengan harga yang sama tetapi tidak mendapat kelajuan broadband seperti di KL.
69. PR-1332-L68546
Datuk Ahmad Jazlan bin Yaakub [Machang] minta **MENTERI PERTANIAN DAN INDUSTRI ASAS TANI** menyatakan :-
- (a) apakah perbezaan modul pembelajaran di Universiti Agro Industri yang bakal beroperasi pada Ogos ini dengan Universiti Putra Malaysia; dan
 - (b) sejauh manakah Universiti ini mampu melahirkan graduan yang menepati aspirasi yang dikehendaki di dalam Pelan Pembangunan Pendidikan (Pendidikan Tinggi) yang dilancarkan baru-baru ini.
70. PR-1332-L68059
Dr. Ko Chung Sen [Kampar] minta **MENTERI KEWANGAN** menyatakan :-
- (a) bilangan mesyuarat lembaga yang diadakan oleh 1MDB setiap tahun untuk 5 tahun yang lalu; dan
 - (b) bilangan mesyuarat yang dihadiri oleh Pengerusi Lembaga Penasihat, Dato 'Seri Najib Tun Razak setiap tahun dan imbuhan tahunan untuk Pengerusi Lembaga Penasihat 1MDB.

71. PR-1332-L68889
Tuan Fong Kui Lun [Bukit Bintang] minta **MENTERI KESIHATAN** menyatakan langkah Kementerian untuk membendung harga ubat-ubatan yang mahal dalam pasaran yang membebankan para pesakit.
72. PR-1332-L69385
Tuan Mohamed Azmin bin Ali [Gombak] minta **MENTERI PENGANGKUTAN** menyatakan apakah punca Malaysia Airport Holding Berhad (MAHB) menghadapi penguncupan 'passenger traffic growth' sebanyak 1.5% untuk suku pertama 2015.
73. PR-1332-L69298
Tuan Idris bin Haji Ahmad [Bukit Gantang] minta **MENTERI SUMBER ASLI DAN ALAM SEKITAR** menyatakan berapakah nilai harta pusaka orang Islam dan bukan Islam yang tidak diselesaikan di seluruh negara sehingga tahun 2014.
74. PR-1332-L68118
Tuan Tan Kok Wai [Cheras] minta **MENTERI KEWANGAN** menyatakan bahawa memandangkan prospek suram bagi ekonomi negara berikutan harga minyak mentah dan komoditi yang rendah, apa strategi dan usaha telah diambil oleh Kerajaan untuk mempelbagaikan ekonomi dengan lebih berkesan.
75. PR-1332-L69198
Dr. Haji Izani bin Haji Husin [Pengkalan Chepa] minta **PERDANA MENTERI** menyatakan :-
- (a) apakah status terkini bantuan pembinaan rumah-rumah mangsa banjir (bilangan yang siap dan dalam pembinaan; dan
 - (b) apakah masalah sebenar yang dialami sehingga menyebabkan kelambatan penyaluran bantuan tersebut.
76. PR-1332-L67804
Dato' Othman bin Aziz [Jerlun] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan adakah Kementerian ada membuat kajian berkaitan dengan terma harga rumah mampu milik pada masa ini dan nilai RM300 000 yang ditetapkan masih relevan dengan situasi ekonomi pada masa kini.
77. PR-1332-L69175
Tuan Sim Tong Him [Kota Melaka] minta **MENTERI KESIHATAN** menyatakan :-
- (a) jumlah pesakit demam denggi sehingga bulan April 2015 mengikut negeri dan berikan angka-angka kematian dari tahun 2001 hingga 2015; dan
 - (b) berikan sebab kegagalan program kawalan biologi dalam membanteras pembiakan nyamuk Aedes dan tindakan-tindakan terkini yang telah dilaksanakan oleh Kementerian.

78. PR-1332-L67670
Dr. Azman bin Ismail [Kuala Kedah] minta **MENTERI PENDIDIKAN** menyatakan tentang rancangan mengadakan pendidikan seks di sekolah. Apakah perkembangan rancangan itu.
79. PR-1332-L68789
Tuan Wong Tien Fatt @ Wong Nyuk Foh [Sandakan] minta **MENTERI SUMBER ASLI DAN ALAM SEKITAR** menyatakan apakah langkah Kerajaan mengatasi masalah pencemaran dari akibat pembuangan sampah sarap ke sungai dan juga perkampungan setinggian di sekitar sungai dan laut seperti pencemaran di Sungai Sembulan, Kota Kinabalu dan Kampung Setinggian seperti Kampung Sim-Sim dan Kampung Sibuga di pesisiran pantai Sandakan dan Tawau.
80. PR-1332-L68281
Puan Teresa Kok Suh Sim [Seputeh] minta **MENTERI DALAM NEGERI** menyatakan apakah faktor yang menyebabkan orang muda menyertai ISIL dan langkah Kementerian mencegah trend orang muda tersebut.
81. PR-1332-L69463
Datuk Raime bin Unggi [Tenom] minta **PERDANA MENTERI** menyatakan peruntukan yang disediakan bagi pembangunan negeri Sabah dalam Rancangan Malaysia ke-11 ini.
82. PR-1332-L68203
Dato' Abd. Aziz bin Haji Sheikh Fadzir [Kulim Bandar Baharu] minta **MENTERI KEWANGAN** menyatakan berapakah jumlah keseluruhan syarikat milik Kerajaan seperti (Pembinaan PFI Sdn. Bhd.) dan (Pembinaan BLT Sdn. Bhd.) atau pun perbelanjaan yang diklasifikasikan sebagai off balance sheet yang ditanggung oleh Kerajaan dan berapakah jumlah pembayaran bulanan/tahunan bagi tujuan tersebut.
83. PR-1332-L68816
Tuan Tony Pua Kiam Wee [Petaling Jaya Utara] minta **MENTERI TENAGA, TEKNOLOGI HIJAU DAN AIR** menyatakan sebab tarif loji tenaga solar 50MW 1MDB dinaikkan sehingga 50 sen/kWh dari 41 sen/kWh walaupun loji lebih kecil daripada 30MW dapat menawarkan kadar 49 sen/kWh. Apakah sebab konsesi-konsesi baru 1MDB tidak dibatalkan walaupun 1MDB jelas tidak mampu membangunkan projek-projek tersebut.
84. PR-1332-L67581
Dato' Johari bin Abdul [Sungai Petani] minta **MENTERI DALAM NEGERI** menyatakan sekeping tanah yang luas dahulunya di tempatkan Pasukan Polis Hutan, milik PDRM di Sg. Petani diserahkan kepada pemaju hartanah untuk dibangunkan dan sebagai pulangan pihak pemaju akan bangunkan beberapa Ibu Pejabat Polis Daerah. IPD Sg Petani telah siap dibina. Berapa IPD lagi yang belum dibina dan apa masalah yang menyebabkan kelewatan ini.

ATURAN URUSAN MESYUARAT DAN USUL-USUL

1. Usul dibuat oleh Perdana Menteri dan masalah dicadangkan :-

“Bahawa Dewan ini,

menyedari akan cabaran pertumbuhan ekonomi serta pencapaian sosioekonomi semasa pelaksanaan Rancangan Malaysia Kesepuluh;

merestui usaha Kerajaan untuk meneruskan Dasar Transformasi Nasional atau DTN dalam merangka dan merencana Rancangan Malaysia Ke-11 seterusnya;

meluluskan pelaksanaannya bertunjangkan falsafah Dasar Transformasi Nasional dalam ikhtiar menjadi sebuah negara maju pada tahun 2020, menurut Kertas Perintah 23 Tahun 2015; dan

Bahawa dalam meluluskan Rancangan Malaysia Ke-11, Dewan yang mulia ini menyeru agar semua pihak bersama-sama dan berusaha menjayakan matlamatnya.”

Menyambung semua Perbahasan atas masalah [28 Mei, 2015]

- | | | | |
|----|----------------|--|-------------------------------|
| 2. | (D.R. 18/2015) | Rang Undang-undang Antipemerdagangan Orang dan Antipenyeludupan Migran (Pindaan) 2015- Menyambung semula Perbahasan atas masalah, “Bahawa Rang Undang-undang ini dibacakan kali yang kedua sekarang” (20 Mei, 2015) | |
| | | [Menteri Dalam Negeri] | |
| 3. | (D.R. 19/2015) | Rang Undang-undang Kebajikan Haiwan 2015 | Bacaan Kali Yang Kedua |
| | | [Menteri Pertanian dan Industri Asas Tani] | |
| 4. | (D.R. 20/2015) | Rang Undang-undang Institusi Kewangan Pembangunan (Pindaan) 2015 | “ |
| | | [Menteri Kewangan] | |
| 5. | (D.R. 9/2015) | Rang Undang-undang Kanun Tatacara Jenayah (Pindaan) 2015 | “ |
| | | [Menteri Dalam Negeri] | |

6. (D.R. 12/2015) Rang Undang-undang Keterangan “
(Pindaan) 2015

[Menteri di Jabatan Perdana Menteri]

7. (D.R. 24/2014) Rang Undang-undang Dadah Berbahaya “
(Pindaan) (No.2) 2014

[Menteri Kesihatan]

8. PR-1332-U67740
Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, terdapat rungutan-rungutan di kalangan rakyat Negeri Sabah dalam beberapa isu yang mereka fikirkan bahawa hak mereka, seperti yang dijanjikan dan terkandung dalam Perjanjian Malaysia 1963 telah dicabuli atau tidak diendahkan. Dan mengambil maklum juga, antara isu utama yang disuarakan dalam rungutan ini adalah kebanjiran pendatang asing ke Negeri Sabah dan ditambah buruk pula dengan pemberian status warganegara kepada mereka ini. Dan mengambil maklum juga bahawa, Para Pilihan raya Umum Ke-13, Kerajaan Malaysia telah menubuhkan Suruhanjaya Siasatan Diraja mengenai dengan pemberian Kewarganegaraan kepada pendatang asing tanpa izin di Negeri Sabah. Dan mengambil maklum juga bahawa, Laporan Suruhanjaya Siasatan Diraja ini telah pun dibentangkan ke Parlimen tetapi sehingga kini rakyat masih tertanya-tanya apakah tindakan yang telah diambil ke atas hasil siasatan suruhanjaya ini. Dalam hal ini, Kerajaan hendaklah memandang serius akan kesan dan implikasi ketidakpuasan hati rakyat negeri Sabah dalam hal ini. MAKA, bagi menangani masalah ini, Dewan ini hendaklah mengambil ketetapan bahawa, Kerajaan hendaklah segera mengambil tindakan tegas ke atas mereka yang didapati bersalah dalam isu ini serta mengambil tindakan yang wajar bagi memulihkan kepercayaan rakyat Negeri Sabah kepada kesungguhan Kerajaan Persekutuan untuk mempertahankan kedaulatan negara termasuklah mengeluarkan kad pengenalan baru bagi penduduk negeri Sabah yang tulen."

[Menteri Dalam Negeri]

9. PR-1332-U67741
Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, kepadatan penduduk dan jumlah kenderaan yang keluar masuk ke kawasan Bandaraya Kota Kinabalu telah meningkat secara mendadak sekali. Dan mengambil maklum juga, kesesakan jalan raya ke Bandaraya Kota Kinabalu telah menjadi serius sehingga menjadi rungutan bukan sahaja penduduk setempat malah juga dari kalangan pelancong dalam dan luar negara.

Dan mengambil maklum juga bahawa, seperti bandar-bandar lain yang telah membangun, Bandaraya Kota Kinabalu juga memerlukan satu Sistem Pengangkutan Awam yang efisien, seperti Sistem Aliran Ringan atau Light Rail Transit (LRT) bagi mengatasi masalah di atas. Maka, bagi menangani masalah ini, Dewan yang mulia ini hendaklah mengambil ketetapan bahawa satu system aliran ringan atau light rail transit hendaklah dibina melalui kaedah private finance initiate bagi menghubungkan Bandaraya Kota Kinabalu dengan kawasan sekitarnya."

[Perdana Menteri]

10. PR-1332-U69065

Tuan Ng Wei Aik [Tanjong] akan mencadangkan:-

"Bahawa Dewan ini mengambil ketetapan bahawa segala siasatan dan pendakwaan di bawah Akta Hasutan 1948 terhadap wakil-wakil rakyat, termasuk juga pemimpin-pemimpin parti politik perlu diberhentikan atau digugurkan dengan serta-merta selaras dengan prinsip-prinsip demokrasi yang melindungi kebebasan berucap seseorang rakyat selagi ucapannya tidak menyentuh empat perkara iaitu Institusi Raja, Artikel 152 dan 153 Perlembagaan Persekutuan berkenaan dengan Bahasa Kebangsaan dan hak-hak istimewa Melayu dan hak-hak kerakyatan."

[Menteri Dalam Negeri]

11. PR-1332-U67694

Tuan M. Kulasegaran [Ipoh Barat] akan mencadangkan:-

"Bahawa Dewan ini mengambil maklum bahawa banjir telah melanda di beberapa negeri pada baru-baru ini, di mana harta benda rakyat telah dimusnahkan dan banyak nyawa telah terkorban. Dalam keadaan ini Dewan ini mengarah Perdana Menteri supaya mengambil strategi jangka masa panjang untuk mengatasi masalah ini dengan segera."

[Perdana Menteri]

12. PR-1332-U68783

Dr. Tan Seng Giaw [Kepong] akan mencadangkan:-

"Bahawa Dewan ini membahaskan faktor-faktor yang menyebabkan gerakan militan di Malaysia."

[Menteri Dalam Negeri]

13. PR-1332-U68787

Dr. Tan Seng Giaw [Kepong] akan mencadangkan:-

"Bahawa Dewan ini mendebatkan langkah-langkah untuk mengatasi pelbagai masalah disebabkan pelaksanaan GST."

[Menteri Kewangan]

14. PR-1332-U69257

Dato' Kamarudin bin Jaffar [Tumpat] akan mencadangkan:-

"Menyedari Bahawa masih terdapat lebih kurang 3,000 orang kakitangan kerajaan yang bergaji di bawah RM850.00 sebulan. Justeru itu Kerajaan diminta untuk menaikkan gaji kakitangan tersebut ke paras melebihi gaji minima negara."

[Perdana Menteri]

15. PR-1332-U69487

Dato' Kamarudin bin Jaffar [Tumpat] akan mencadangkan:-

"Memandangkan satu bencana banjir yang amat luar biasa telah berlaku pada bulan Disember 2014 di Kelantan yang mengakibatkan kerosakan harta benda yang besar dan memusnahkan sekitar 2000 buah rumah kediaman; Memandangkan bahawa bencana alam adalah tanggungjawab Kerajaan Pusat; dan Memandangkan bulan Ramadhan akan bermula pada 18 Jun 2015, maka Dewan ini mempertimbangkan dengan segera untuk memastikan Kerajaan Pusat dengan kerjasama Kerajaan Kelantan menyiapkan pembinaan rumah-rumah mangsa banjir ini disiapkan sebelum 18 Jun 2015."

[Perdana Menteri]

16. PR-1332-U67593

Dato' Johari bin Abdul [Sungai Petani] akan mencadangkan:-

"Bahawa Dewan ini mengambil maklum, terdapat ketidak cekapan Kementerian Pendidikan dalam mengurus asetnya di mana puluhan unit kuarters di Taman Semarak, Sg Petani ditinggal terbiar, tidak didiami dan telah menjadi sarang penagih dadah.

Jika aset ini tidak diselamatkan ianya akan membawa kerugian kepada Kerajaan dan maruah Kementerian akan tercemar. Tindakan serta merta mesti diambil untuk menyelamatkan aset-aset ini."

[Menteri Pendidikan]

17. PR-1332-U67594

Dato' Johari bin Abdul [Sungai Petani] akan mencadangkan:-

"Bahawa Dewan ini mengambil maklum, kebolehan berbahasa Inggeris dikalangan pegawai-pegawai Kumpulan A, Perkhidmatan Awam Malaysia makin menurun. Pihak Kerajaan mestilah mengambil tindakan drastik bagi memperbaiki keadaan dengan memberikan kursus-kursus intensif kepada mereka. Kerajaan juga mesti memasti Pegawai-pegawai Kumpulan A melalui kursus wajib Bahasa Inggeris yang mesti di adakan di INTAN atau mana-mana institusi pengajian tinggi."

[Perdana Menteri]

18. PR-1332-U67595

Dato' Johari bin Abdul [Sungai Petani] akan mencadangkan:-

"Bahawa Dewan ini mengambil maklum, terdapat masalah yang dihadapi oleh pengguna kenderaan bagi mendapatkan lesen memandu bila mereka gagal dalam ujian berkomputer. Kerajaan harus mengkaji semula adakah syarat wajib lulus ujian berkomputer ini masih sesuai dan relevan memandangkan kos yang makin meningkat semasa mengambil ujian ini dan walau pun lulus ujian berkomputer kemalangan jalan raya masih tidak berkurangan."

[Menteri Pengangkutan]

19. PR-1332-U69440

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mempertimbangkan cadangan untuk menghalang dan mengharamkan penjualan arak murah (cheap liquor) secara mudah dan murah yang semakin berleluasa. Gejala pengambilan arak murah ini menimbulkan pelbagai masalah sosial seperti keganasan rumah tangga dan gengsterisme serta merosakkan organ dalaman. Di samping itu, kawalan dan penyeliaan terhadap kedai-kedai menjual arak perlu diketatkan. Masa penjualan arak dan lokasi minum arak perlu dikaji. Kawasan tempat awam seperti di taman awam dan taman permainan kanak-kanak, minum arak wajib diharamkan. Dewan ini juga wajib mempertimbangkan penubuhan Pusat Pemulihan Arak (PPA) di setiap negeri di Malaysia untuk membendung masalah minum arak yang semakin berleluasa di kalangan anak muda merentasi sempadan bangsa dan agama."

[Menteri Kesejahteraan Bandar, Perumahan dan Kerajaan Tempatan]

20. PR-1332-U69441

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mempertimbangkan cadangan untuk kes kematian di bawah tahanan Polis DiRaja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan".

[Menteri Dalam Negeri]

21. PR-1332-U69442

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah untuk menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia."

[Menteri Pendidikan]

UCAPAN-UCAPAN PENANGGUHAN

Tarikh Ucapan	Ahli Yang Berucap	Tajuk Ucapan	Menteri Yang Bertanggungjawab
1. 8.6.2015 (Isnin)	1. YB. Tuan Nga Kor Ming (Taiping)	1. Dewan membahas dan meluluskan ketetapan menangguhkan pelaksanaan cukai GST sehingga satu Jawatankuasa Pilihan Khas Dewan Rakyat ditubuhkan untuk mengkaji semula serta membuat keputusan dalam pelaksanaan dasar cukai tersebut.	1. YAB Menteri Kewangan
2. 8.6.2015 (Isnin)	2. YB.Tuan Hee Loy Sian (Petaling Jaya Selatan)	2. Paksaan Menurunkan Tanda Salib Gereja Community of Praise, Taman Medan, Petaling Jaya.	2. YB Menteri Dalam Negeri